



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hippoensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. II. Summa D. Augustini pietas in precibus Ecclesiasticis audiendis & recitandis.

urn:nbn:de:hbz:466:1-42857

Turbo stillaticius apud pharmacopolas, conceptis intus rosis fragantissimi odoris, propter ignem qui subiectur, suauissimum emittit liquorem, cuius plurimus usus est in rebus quae medicinam spectant. Pari modo cor Augustini, per aurium conceptacula, velut flosculos concipiens hymnorum & canticorum, quae in Ecclesiâ Catholicâ frequentabantur, ab igne charitatis resolutebatur, seseque patefaciebat in illius animo veritas, cuius energia per oculos effluebat, gratissimum cum ipsis tum alijs infirmioris palati neophytis antidotum praestans.

CAPVT II.

Summa D. Augustini pietas in Precibus Ecclesiasticis audiendis & recitandis.

HVNC igitur in modum diuino Officio intererat, & ipse met deinceps per dies singulos ordinarias preces ad Deum fundebat, summopere illam Prophetæ combinationem exhorrescens; *Maledictus homo qui facit opus Dei negligenter.* Ideoque pensum Horarum summam animi attentione persoluit, atque etiam auxit; & inter alia coccinnasse fertur Responsoria quae dicis solent post Lectiones matutinas. Ad hec contra haereticos quosdam, negantes pro Defunctis preces valere, mortuorum Officium com-

composuisse putatur. Tum etiam probabile valde, coniunxisse septem Psalmos pœnitentiales. Id sane constat, paulò ante mortem eosdem recitasse ante se positos, ut infrà latius ostendetur. Tantâ verò ani- Lib. 6.c. 62
 mi præsentia & attentione Preces horarias recitabat (prò temporis nostri abusum!) ut in Deum absorptus esse videretur; quem sibi quidem ubique & semper, maximè tamen orationis tempore præsentem intuebatur: *Gressus meos, ait, semitasq; consideras, Soliloq.*
& die noctuq; super custodiam meam vigilas, cap. 14.
omnes semitas meas diligenter notans, speculator perpetuus; veluti si totius creaturæ tuæ celi & terræ oblitus, tantum me solum consideres, & nihil tibi sit curæ de aliis. Semper quippe te præsentem exhibes, semper te paratum offers si me paratum inuenis. Quocumque iero, tu Domine me non deseris, nisi prior ego te deseram. Fateor quidem quia quidquid facio, melius tu vides quam ego qui facio; quidquid enim semper operor, tu pariter semper præsens assistis, utpote perpetuus inspecto omnium cogitationum, intentionum, delectationum, & operationum mearum. Cumq; hæc diligenter considero, Domine Deus meus, terribilis & fortis, timore pariter & ingenti rubore confundor, quoniam nobis magna est indita necessitas iuste recteq; vi-

H 4 uendi,

uendi, qui cuncta facimus ante oculos Iudicis
cuncta cernentis.

CAPUT III.

*Quomodo D. Augustinus à Baptismo, pietatis
ac pænitentiae deditus fuerit.*

FVIT igitur Augustinus hoc omni tempore contemplationi, orationi, lacrimis, ceterisque pietatis officiis apprimè deditus, & in Deum sanctumque eius amorem incensus. Manifestè hoc eiusce verba ^{Sup. lib. i.} _{cap. 42.} supra dicta significant: *Ascendi à conuale plorationis, &c.* Solebant namque proselyti apud Iudeos recens conuersti, & adhuc peccatorum labe infecti, dum sese purgarent, profundorem quemdam locum adire, quē Lacrymarum vallem, necnon Gehennam vocabant; in quā fons erat, cuius aquā abluti primū, dein amicti veste candidā, paullatim ad templum ipsum Ierosolymitanum ascendebant, quod in urbis edito loco situm erat: iidemque proselyti inter ascendendum, lacrymas precesque ad Deum profundere solebant. Ad hunc illustrationis ritum attendens Augustinus, Religionem Catholicam vocat Lacrymarum vallem, quod in eā sacrum Baptismi fontem inuenierit, cuius vi expiatus fuit omnibus iis quibus antē maculabatur pec-

cato-

*Quenam
Lacryma
rum vallu.*